

滿洲名臣傳

廿四下



內閣文庫			
三六函	二二〇	三五	漢書類
二四架	一〇〇	〇五	

內閣文庫			
番號	漢	2300	
冊數	160	(48)	
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak 2007 TM Kodak



非藏

勅主法司拘犯會鞠

上命戶部侍郎覺羅額爾德等赴宣化察審

二十一年正月以長世忠未曾有願剛阿泰未

會歸香督鎮運忿互劫覆奏下部議處會

甄引營撫大臣解修養量任部議剛阿泰逞

忿取表應革職具餉銀支銷有無情弊令新

任總督馬鳴佩再審尋奏張世忠具印領支

餉即時散給兵丁並無侵欺備剛阿泰赴陽

和圖兵未及申報及回又未面啓即赴督標

前...

定

清史各目傳卷二十一
新任剛阿泰未見領餉底冊致銷冊不符因
劾其冒領罪在張世忠目無主帥不申不報
應予杖懲疏並下部核議從之以剛阿泰已
經革職毋庸再議尋回旂卒于家

康喀賚列傳 子錫納海附

康喀賚滿洲廂藍旂人姓瑚爾喀氏
太祖高皇帝時由新達謨率族來歸會初立
佐領使統其一屢從征伐天命十一年
太宗文皇帝御極八旂各設總管政務大臣

一是爲八大臣又每旂設理事聽訟大臣二
是爲十六大臣康喀賚與舒賽並任廂藍旂
理事聽訟大臣天聰元年正月有蒙古十有
五人自奉集堡叛逃康喀賚同正白旂大臣
阿達海廂白旂大臣吳拜追至都爾弼十五
人還開吳拜中鎗不退康喀賚與阿達海併
力奮進盡斬之事

聞得

優賚五年七月始設六部每部以一員勒總

滿洲官傳卷二十四
管部務次設承政以康喀賚與蒙阿圖祝世
充囊努克並爲工部承政崇德三年七月重
定官制每部止留承政一員康喀賚遇裁五
年十一月授廂藍旂滿洲副都統尋卒子錫
納海天聰九年隨睿親王多爾袞征察哈爾
招降林丹汗子額哲以還尋選每旂二十人
爲王府護衛錫納海預焉崇德三年八月隨
睿親王征明越燕京由臨清直抵濟南五年
十一月隨鄭親王濟爾哈朗圍明錦州還鄭

親王以錫納海勒幹奏授二等護衛會父卒
襲管佐領六年三月復隨鄭親王圍錦州克
其外城明總督洪承疇率兵赴援錫納海同
前鋒統領努山偵探至杏山遇哨騎擊敗之
擒一人以歸我左翼兵設伏松山北以前鋒
兵誘之比至伏發擊敗其援兵錫納海與侍
衛喇世塔等自錦州還

盛京奏捷復赴軍襲獲寧遠哨卒

世祖章皇帝順治元年隨睿親王入山海關

擊流賊李自成兵二十餘萬賊遁走錫納海
率兵追之至望都奮力勦擊多斬馘二年敕
征錦州杏山及平流賊功予雲騎尉世職遷
二等侍衛六年隨睿親王平湖南凱旋兼任
刑部郎中尋授一等侍衛兩遇
恩詔晉世職至三等輕車都尉十七年擢廂
藍旗滿洲副都統

聖祖仁皇帝康熙元年八月同靖西將軍穆
里瑪征鄖襄流賊郝搖旗李來亨等三年會

陝西湖廣四川三省兵勦平之斬播旂來亨
遁走茅麓山自焚死十年錫納海以病乞休
允之十二年三月卒于家年五十有七
賜祭葬如例以孫道福色襲世職

阿密達列傳

阿密達滿洲正白旗人姓他塔喇氏順治四
年授三等侍衛洊遷至一等侍衛兼佐領九
年兼護軍叅領十四年擢正白旗滿洲副都
統康熙八年遷護軍統領十年擢領侍衛內

滿洲各酋傳卷二十四
大臣明年列議政大臣十三年三月襄陽總
兵楊來嘉附逆藩吳三桂踞穀城叛河北總
兵蔡祿初與來嘉並爲海賊鄭成功裨將成
功死先後率衆來降並授左都督擢任總兵
至是聯結謀叛蔡祿造烏鎗購騾馬令兵丁
以捕魚爲名演習披甲適奉使侍衛觀保偵
得其狀以奏

聖祖仁皇帝命阿密達率護軍叅領八員每
佐領下護軍一名馳赴懷慶察視阿密達至
祿不出迎集砲手以拒阿密達直入其解擒
蔡祿及其家口以奏

上手勅諭之曰爾行未踰旬克濟厥事以遏
亂萌朕心深爲嘉悅但人命至重須研審寔
方可正法毋得株連無辜至所俘人口散給
士卒宜重賞被傷者以示鼓勵阿密達遵
旨鞠訊得蔡祿與楊來嘉遣人往來潛謀投
順吳逆且與子姪家人等私議若大兵來懷
慶閉城以拒天圍往踞太行山情狀奏

命將蔡祿及子侄同謀者俱正法時耿精忠亦叛

上慮江寧兵單撥滿洲兵千人駐守以阿密達總統授為楊威將軍五月

命以所統兵習水戰九月授簡親王喇布揚威大將軍駐江寧以阿密達為叅贊十一月

陝西提督王輔臣叛命阿密達率兵赴西安明年正月仍授楊威

將軍印以副都統鄂克濟哈覺夸岱叅贊軍務率所部兵及西安駐防兵之半赴蘭州勦

禦大將軍貝勒洞鄂以西安兵單奏留阿密達駐守

上以蘭州關係緊要仍諭遵前旨行二月王輔臣踞平涼蘭州諸路

皆陷賊洞鄂自率兵赴秦州奏令阿密達勦平涼賊未至聞賊據涇州分兵遣鄂克濟哈

勦擊斬偽總兵衛民譽獲馬匹器械復其城

五月復遣兵敗賊于寧州之東山斬馘八百餘復寧州並得

旨嘉獎先是阿密達與平涼賊戰失利退駐涇州至是聞洞鄂與總兵孫思克等復秦州疏言逆賊王輔臣悉銳集平涼今秦州遁回之賊又至慶陽羣盜依山結壘與爲聲援臣以孤軍前進恐未易奏功乞

勅大將軍洞鄂酌量留兵駐守秦州餘兵盡會平涼并

命提督陳福及鄂爾多斯兵急取定邊固原以邊賊慶陽之援臣率兵出白水由平涼東面進取庶易爲力

上曰兵貴神速機不可失平涼逆賊聞大兵克取秦州正驚擾我兵宜乘勝長驅攻取平涼將軍阿密達逗遛不前殊屬非宜前已增調太原兵近總督周有德又運送紅衣砲爾等當速取平涼八月洞鄂兵亦至平涼命阿密達叅贊軍務速行進攻是月分兵三

清沙各目傳卷二十一
隊進勦擊賊敗兵萬餘追奔至城外賊據山
險拒守會總兵孫思克由西路入與大兵合
勦屢敗賊衆十二月阿密達偕孫思克等分
兵赴城西掘壕守護以防賊逸偽總兵蔡元
糾衆四千由山梁携火器來犯我軍擊敗之
克取山梁擒斬甚多十五年二月
上以貝勒洞鄂等屯兵日久未能滅賊
命大學士圖演代爲大將軍阿密達與洞鄂
等並任叅領五月我兵分兩翼由虎山啟進

攻阿密達與孫思克督兵大敗賊衆斬偽總
兵二六月王輔臣降平涼平十七年二月圖
海請三路進兵分勦叛附吳逆諸賊阿密達
偕副都統覺和託四川總督周有德等率兵
至秦嶺與賊戰斬賊三百撫定諸賊巢尋
命赴湖南安親王岳樂軍營協勦逆孽吳世
璠十八年九月大兵克武岡州
諭阿密達與安親王酌議軍營留兵事宜十
一月奏言軍營滿洲兵每佐領酌留十二人

防守其每佐領八人前鋒二百人護軍每佐領三人驍騎并漢軍每佐領五人俱遣還上命阿密達率之回京十九年十月授正白旗蒙古都統二十一年七月以三逆平定特遣大臣頒賞厄魯特喀爾喀諸部阿密達預焉二十二年三月兵部議阿密達在平涼攻戰時我兵退回不能禁阻應盡革職任上曰阿密達爲人頗優且多勞績其令降五級從寬留都統任二十六年八月調本旗滿

洲都統二十八年十月復授領侍衛內大臣二十九年六月噶爾丹與喀爾喀構謀侵我外藩蒙古烏珠穆沁界

上命阿密達往領副都統噶爾瑪等所轄弁兵偵探賊情具奏七月以裕親王福全爲撫遠大將軍阿密達與公蘇努等爲叅贊是月抵剛河與噶爾瑪軍合復會尙書阿喇尼軍于葫蘆谷爾河以噶爾丹所在入奏上以噶爾丹退回二宿之地似欲潛遁

命阿密達速選精壯馬兵率之前往便宜行
事時濟農胡土克圖使人至軍營阿密達遣
郎中哈爾吉布等與偕至噶爾丹所未幾噶
爾丹遣尊多伊格蘓爾爲使且述所以人汎
爲索喀爾喀警人弗敢秋毫侵犯阿密達以
聞具奏賊衆內逼狀遂與蘓努會合裕親王
軍分大軍爲三蘓努等率左右兩翼阿密達
與王等統中軍以進八月朔至烏蘭布通噶
爾丹依山列陣臥駱駝于林外躡河以守我

左翼兵由山腰衝入大軍臨之大敗其衆會
日暮收兵次日勦殪餘寇賊堅壁據險遣使
乞誓請和尋自錫喇穆稜河截水橫渡大磧
山夜遁去十一月師旋部議王大臣調度乘
方旣經戰勝不能乘機勦滅賊敗又不卽追
殺以致窮寇遁走貽誤軍機又未經請
旨擅率大軍內徙福全應革王爵阿密達與
蘓努等皆革職

上念我軍已擊敗厄魯特王大臣愾從寬免

革爵職阿密達降四級留任三十一年二月
以年老乞休

允之三十五年二月

上親征噶爾丹阿密達奏請隨征與康親王
傑書管理廂藍旂營務五月

駕至克魯倫河復奏請効力隸左翼大軍尋
揀選精銳追勦噶爾丹以阿密達暫充將軍
率留後之滿洲兵及綠旂營步兵赴克勒和
碩既至

命兼轄留駐兵尋以撤兵回京四十八年五
月卒

鄂海列傳

鄂海滿洲廂白旂人姓溫都氏由筆帖式授
內閣中書洊陟宗人府郎中兼佐領康熙三
十六年

聖祖仁皇帝親征噶爾丹鄂海先赴寧夏儲
備牲畜

駕至寧夏會陝西按察使缺

命于軍營辦事之科道部郎內開列具奏
特簡鄂海任之

諭曰初任外官者每于朕前奏言潔清其身
以圖報恩及莅任後輒背其言朕于從官二
十餘員內簡爾爲按察使爾當益勵素行也
三十七年遷陝西布政使四十年擢陝西巡
撫四十二年十一月

上幸西安

閱兵以滿洲及綠旗兵皆善射鄂海與將軍

博霽總督華顯並

賜橐韃弓矢及

御書扁額貂皮冠服加一級十二月

詔于河南府儲積米穀豫脩山西賑貸並

命督撫等會勘由黃河輓運事宜明年三月
會勘三門底柱溜急灘多舟行甚險應自河
南府陸運至陝西太陽渡乃以舟運四月鄂
海又奏勘閱渭河惟自鴛雞至郿縣一百四
十餘里水落時重載難行郿縣以東河深水

平重船可以輓運疏下部議渭河與山西之
汾河河南之賈魯河並令巡撫設法挑濬四
十九年十月擢湖廣總督五十一年五月疏
言臣前赴鎮筸閱視邊界聞邊外紅苗恃強
滋事雖經永順土司招撫並未納糧乃令總
兵張谷貞辰州知府遲熾鳳凰營通判黃樹
傳集苗目宣布

聖主威德令其改過輸誠于是毛都塘等五
十二寨頭目開具八百餘戶丁口赴武昌投

順八月又報盤塘窩等八十三寨投順頭目
續至得

旨鎮筸生苗居深山之中自古以來並未向
化鄂海等宣示朝廷德澤布揚聲威盡行招
撫殊屬可嘉在事官兵交部議敘今紅苗等
已輸誠削髮宜安插得所從容化導教之禮
義文武官弁其各仰体朕無分內外咸俾同
享昇平宇內無不樂業之意五十二年四月
上以鄂海曾任陝西才具素優兵民性情俱

所熟悉調爲四川陝西總督十月疏言甘肅
洮岷邊外大山生番悉歸順得

旨洮岷邊外並無生番或係與外藩蒙古王
貝勒貝子公台吉等納糧之人不可止以投
順爲美名其事甚有關係當再行詳察尋奏
大山在洮州東南近土司楊汝松界外非蒙
古納進番人今旣率屬歸化請卽以楊汝松
管理又疏言四川建昌鎮屬會川營界外涼
山番目阿木哨率屬歸順願每歲貢馬四匹

請給職銜其所屬三千餘戶仍令管理五十
三年正月疏言去歲甘肅所屬靖遠固原會
寧諸處夏田少雨秋禾失收疊奉

恩諭全免五十三年錢糧又經撫臣岳拜請
動倉糧賑卹亦奉

旨允行已遵照籌辦外惟是甘肅山高地冷
歲止一收民無儲蓄其被災戶口或借或糶
或賑三法並行災民方得安堵且春夏間青
黃不接小民謀食無由宜乘春和時耕種若

無籽粒牛具田畝坐荒秋收又復無望請于
被災等處乏食窮民自二月至六月止日給
糧大口三合小口二合以資養贍其有田地
而無力耕作者每畝給糧五升每頃給銀三
兩以爲籽本令所在道府等官確察妥辦諭
令竭力耕種至流移未歸者臣與撫臣捐資
賚送回籍後如屋宇傾壞令地方官捐修安
插十一月以朝邑縣與山西蒲州接壤疏請
將同州州同及潼關營千總移駐以資彈壓

事並下部議行五十六年十月四川巡撫年
羹堯勦撫越嶲萬阿羊叛番奏繳土百戶印
劄並奏把總皮登榜被射身死部臣以所繳
印劄未聲明西糾土百戶阿卡何往又皮登
榜被射情節前後所奏不符令鄂海確察尋
奏土百戶阿卡因大兵進勦畏懼潛逃已經
招回西糾至年羹堯前奏皮登榜督造浮橋
中箭身死今據提臣康泰等咨稱寔係身先
渡河奮擊叛番被賊射斃乞

勅部議卹賞疏下部議令川撫酌行給賞五十七年大兵征策妄阿拉布坦撫遠大將軍貝子允禩等率兵分駐西寧甘州莊浪豫脩進勦鄂海奏撥西安藩庫銀四十萬兩解赴甘省協濟糧芻又奏撥平涼鞏昌寧夏貯倉米豆十萬石運赴蘭州充餉又府谷山丹等州縣衛以軍行所過奉旨免征錢糧草束并請豁免一体運送軍需之陝屬葭州甘屬寧夏等二十八處丁糧以

紆民力五十八年四月又言

皇上軫念西陲百姓轉運急公

特恩蠲免五十八年地丁銀兩以軍務未竣不及米豆草束第各省額征類多折色惟甘省邊地銀數少而糧草多至平涼慶陽西寧涼州等府且有全征本色者是沿邊軍需用力最多之地轉不得共沾寔惠請將甘屬五十三四五六等年未完民欠銀糧草束一例蠲免使民盡力輸納本年額征糧草以佐軍

需則

皇仁溥而民氣裕疏下戶部寢其議奉
特旨盡予豁免五十九年五月固原提督金
國正疏奏陝西兩年歉收百姓有流離狀
諭曰總督鄂海平昔居官亦優今因年老聲
名漸不如前陝西兩年歉收之處並未詳悉
上聞其令明白回奏鄂海尋奏西安等四府
一州比歲豐稔惟延安沿邊堡所及甘肅涼
州諸處歉收俱經題報所有五十七八兩年

借給災黎銀米謹彙列寔數陳奏疏入

報聞六十年五月

命鄂海辦理軍前糧餉而以四川巡撫年羹
堯代爲總督十月疏言遵

旨至甘州料理糧餉甘州等處山多田少所
產糧草有限宜豫爲籌備請于河南湖廣運
至陝西糧餉內撥米六萬石宛豆四萬石半
送甘州半送涼州從之十二月

諭議政大臣曰吐魯番現駐官兵其可種之

地甚多總督鄂海在軍營無事可卽往彼効
力六十一年六月靖逆將軍富寧安請派大
臣專司吐魯番種地積糧

上命鄂海同副都統克什圖管理遇有軍務
一休調遣

世宗憲皇帝雍正元年十月以原品休致仍
在吐魯番種地効力三年四月卒

馮國相列傳子毅附

馮國相漢軍順白旗人父有功

太宗文皇帝崇德八年從征明中後所前屯
衛凱旋授佐領

世祖章皇帝順治元年隨都統葉臣征山西
以紅衣砲攻克太原城二年隨都統金彌征
湖廣擊敗偽總兵馬進忠于武昌獲賊船十
有三枚功予雲騎尉世職五年授杭州協領
七年九月登遐

恩詔晉世職至三等輕車都尉十八年卒國
相襲職

聖祖仁皇帝康熙十三年逆藩吳三桂踞湖南國相隨順承郡王勒爾錦往征賊將陶繼智劉之復等犯宜昌國相領隊發砲擊卻賊衆尋隨貝勒密尼敗賊于岳州十八年正月隨都統根特敗賊于虎渡口遂進征澧州常德屢立戰功十九年凱旋授佐領尋授叅領三十年十二月擢廂曰旂漢軍副都統三十四年調右衛左翼副都統時噶爾丹侵擾邊境國相率兵至阿爾丹蘓台偵賊聲息明年

上親征駐蹕克魯倫河國相運砲至軍前卽隨撫遠大將軍費揚古等由西路督兵敗賊衆于昭莫多俘獲無算是年冬還京授廂曰旂漢軍副都統三十六年敘功予雲騎尉世職合所襲之職爲二等輕車都尉尋調廂黃旂漢軍副都統四十一年擢正藍旂漢軍都統五十七年十月卒

賜祭葬如例子毅襲二等輕車都尉六十年由叅領授廣州副都統明年擢廣東提督雍

正元年十月卒于官

賜祭葬如例子瀚襲騎都尉三年四月

世宗憲皇帝以八旗公庫事務惟國相辦理時綜計明晰下部議敘于現襲之騎都尉加

一雲騎尉十年九月

諭九卿曰原任都統馮國相謹慎小心樸誠

自矢服官辦事從無過愆向來各旗公庫俱

有虧空惟馮國相所管正藍旗全無欠缺此

卽其出納謹嚴操守潔清之明驗伊係朕藩

邸之人知之有素應否入賢良祠會議具奏

尋九卿以詳考事寔洵為賢良大臣允宜入

祀議行

今上乾隆元年

詔九卿核議已祀賢良諸臣之應追諡者列

奏

賜國相諡曰桓僖

阿席熙列傳

阿席熙滿洲相紅旂人姓瓜爾佳氏

世祖章皇帝順治六年由兵部筆帖式遷本部主事九年遷都察院理事官十二年遷兵部督捕左理事官康熙元年遷光祿寺卿二年十二月考滿輔政大臣鰲拜等令解任隨族行走尋出征茅麓山坐罪革職六年聖祖仁皇帝親政鑒阿席熙無罪命以郎中用七年二月授陝西布政使九年十二月巡撫鄂善疏述其儉樸率屬革除陋規舉爲卓異十一年四月擢陝西巡撫十二

年六月擢江南江西總督十三年正月逆藩吳三桂犯湖南阿席熙疏請遣發所屬兵丁赴援

諭以江南江西需兵防守不必遣發四月疏言耿精忠踞閩反叛賊兵一出汀州一出光澤輿江西之贛州建昌接壤請撥現駐安慶滿洲兵赴江西分道勦禦又言杭州將軍圖喇以浙江兵力單弱咨請發兵赴援雖江南在在需兵防守而鄰封告急無容坐視已于

提標及狼山鎮標調馬兵二百步兵八百遊擊一員領往浙江聽調遣疏入並

報聞七月增設江西總督阿席熙專轄江南時江西之廣信建昌已爲耿精忠賊兵所陷饒州叅將陳九傑等叛應之

詔阿席熙于隣近饒州處增兵防守阿席熙疏言徽州府屬休寧婺源祁門等縣與饒州接壤池州府屬建德縣亦與饒州府屬之鄱陽浮梁二縣界址相連已分選將弁率兵移

駐各隘口加謹防禦疏甫上績溪婺源二縣及徽州府城俱從逆阿席熙遣叅將馬之駿遊擊姚洪信等率兵隨江寧將軍額楚往勦先復績溪次復府城與婺源九月

上命簡親王喇布爲揚威大將軍率師至江寧以將軍阿密達額楚華善王之鼎與阿席熙並叅贊軍務先是阿席熙以徽州及六安爲盜賊淵藪請增兵三千分防堵禦部議以餉銀不充未允而允其募補江寧馬甲千名

至是疏請以六百名入徽州營以四百名入
六安營增設千把等官並各設副將一員擢
遊擊姚宏信劉才任之又徽州營增馬九十
六安營增馬五十以符馬一步九營制並從
之十七年七月疏言前經部議御史劉安國
條奏令核察隱漏地糧許自首免罪限年起
科隨遍察江南全省清出田地一萬四千四
百七十餘頃草山八百六十三里應征銀三
萬五千一百餘兩米麥豆三千一百九十餘

石今已照數征完可撥充軍用得

旨阿席熙察出全省隱漏地畝錢糧俱完具
見寔心任事可嘉下部議敘加兵部尙書銜
二十年三月京口禦防高騰龍因其族兄已
故鎮江知府高得貴爲巡撫慕天顏檄追戶
部核減草豆價銀七千餘兩于家屬商之叅
領馬崇駿以慕天顏浮冒奏銷各款訐告于
將軍楊鳳翔鳳翔以奏銷非所預知寢其事
六月阿席熙劾奏馬崇駿高騰龍挾詐官民

海濱各傳卷二
三十一
婪惡多端請革職勘治

上命兵部郎中圖爾宸刑部郎中鍾有德赴
鎮江察審馬崇駿高騰龍尋遣人叩
闕訟慕天顏奏銷浮冒聞其首告乘秋審赴
省與阿席熙客商三晝夜捏款劾罷希圖籍
口

上命圖爾宸鍾有德一併訊質定讞下部核
議馬崇駿高騰龍婪取事寔論絞慕天顏奏
銷浮冒經戶部核減諉罪于無產可抵之已
故屬員又因人許告私圖寢息應降二級調
用仍賠核減銀兩阿席熙任總督多年于婪
贓官員置若罔聞直待其許告巡撫始行糾
劾應降二級以加級抵銷仍留任

上以阿席熙瞻徇慕天顏無可置辨
命降三級調用不准抵銷遂罷任還京尋卒

對哈納列傳

對哈納滿洲正藍旗人姓鈕祜祿氏

世祖章皇帝順治二年由內院筆帖式遷工

部主事九年遷郎中十一年遷刑部啓心郎
十五年裁缺十七年補都察院左副都御史
十八年二月遷刑部侍郎康熙五年擢本部
尙書六年五月

聖祖仁皇帝詔臣工指陳民生利病對哈納
同尙書郝惟訥侍郎麻勒吉等疏言賣身旗
下之人每與民間構訟或本主爲之代告稱
妻子寄居其家田宅財物坐落某處某某借
銀若干類多捏詞索詐株連無辜竊思有銀

有產之人豈肯賣身亦無存留妻子而獨賣
己身之理請嗣後通飭八旗及直隸各省遇
此等捏詞概不准理庶狡徒稍戢民生得安
疏入從之七年九月授國史院大學士充

世祖章皇帝寔錄總裁官八年七月

諭曰刑部事務殷繁人命所係必得才猷練
達之人方克勝任大學士對哈納請練刑部
事務着加太子太保以國史院大學士管刑
部尙書事九年以內三院爲內閣對哈納改

文華殿大學士會吏部尙書馬希納解任調
對哈納管吏部尙書事十一年七月副都御
史李之芳疏言部院官失察胥役犯贓應如
州縣例革職吏部以部院官員例不關防胥
役寢其議

上以京官雖與外官有間不應迥異下九卿
科道會議尋議外官改罰俸一年京官應罰
俸六月得

旨申飭令再議

諭責對哈納曰衙役作孽小民受害無窮所
司官理應從重處分以清積蠹今爾等俱已
富貴不念小民困苦惟恐重處屬員致有干
涉初議京官不應處分繼議外官亦從未減
明係瞻徇朕擢爾吏部尙書自應殫心爲國
矢公報効乃全無主見殊負委任之意于是
定議外官處分仍舊部院司官失察書吏犯
贓不及十兩者罰俸一年過十兩者降一級
留任十二年六月疏言舊例各省司道府州

縣召募經制書辦典吏攢典等役恐積久弊
生一歲一次轉撥約有數萬人甚爲繁擾且
致文冊生疎每多舛訛遺漏請照督撫鹽院
衙門之例五年役滿停其轉撥得
旨允行十三年二月以病乞休
溫旨慰留十四年九月卒于官年五十有七
賜祭葬如典禮諡曰文端

桑額列傳

桑額漢軍廂藍旗人三等侯李國翰第三子

由護衛遷叅領

聖祖仁皇帝康熙三年授寧夏總兵十二年
九月擢雲南提督未抵任值逆藩吳三桂反
留駐荊州十二年正月改湖廣提督二月賊
將夏國相犯澧州桑額率兵赴援賊失利還
荊州三月賊將吳應麟陷岳州順承郡王勒
爾錦統師駐荊州令桑額移守武昌七月隨
貝勒察尼規復岳州由城陵磯進勦以砲擊
沉賊船大敗賊衆于七里山下十五年二月

敘功加右都督十七年七月賊由洞庭湖乘風出犯桑額率副將胡世英遊擊郭文魁等奮戰郟之追至岳州城下九月賊船數十聚癩子山下桑額同前鋒統領杭奇合兵攻擊發矢石鎗砲殪賊百餘獲賊船四明年正月岳州賊遁桑額收復華容石首安鄉等縣敘功晉左都督

詔趣大兵滅賊收疆仍授桑額雲南提督桑額奏改彘陵鎮標兵爲湖廣提標以舊所屬

兵爲雲南提標率之進征十九年三月同總兵陳珀遊擊李瑄等攻克辰龍關復辰州沅州進征鎮遠平越貴陽安順及永寧州屢敗賊兵遂趨雞公背鉄索橋賊聞風震懾焚橋而遁桑額乃督土司沙起龍等築浮橋以濟師二十年二月隨大將軍貝子彰泰圍雲南省城同總兵白成功王仕華等屢敗迎戰賊衆逆孽吳世璠窮蹙其賊帥馬寶胡國柱俱自四川還救桑額率兵勦賊楚雄馬寶歸烏

木山列陣副都統託岱由中梁進攻營總幹
都海由右梁進攻桑額領精銳趨進併力衝
擊賊衆潰遁窮追五十里馬寶越山遁赴大
將軍賴塔營乞降與逆党方光琛等並磔死
桑額同都統希福搜勦胡國柱于永昌截守
潞江諸要隘國柱度不能脫自縊死其党皆
降雲南平初桑額赴援澧州退還部議革職
及進征雲南奏標下兵逃散三百餘
上命左都御史哲勒肯赴武昌察審覆奏標

兵因家口在武昌無資養贍逃回者千餘人
上切責桑額不恤士卒下部嚴議革職並得
旨留任戴罪圖功至是敘功復原職二十一
年五月乞休

詔慰留之二十五年三月卒于官子李楠由
佐領洊陟廂藍旗漢軍副都統見大臣表

帥顏保列傳

帥顏保滿洲正黃旗人姓赫舍里氏大學士
希福之次子也

聖祖仁皇帝康熙元年正月以希福自

太宗文皇帝時贊理機務勤勞素著

諭吏部視大學士范文程額色赫例擢用其
子爲學士遂授國史院學士六年四月教習
庶吉士九月充纂修

世祖章皇帝寔錄副總裁八年六月擢吏部
右侍郎七月授漕運總督九月疏言淮安爲
水陸孔道乃十五里內連設三關其板關鈔
關與淮安倉之稅戶部差員征收清江廠船

料等稅工部差員征收胥役繁多商人耗費
多端稽延時日請以三關額課歸併一關征
收則胥役減而商民俱便疏下部議戶部言
淮安倉稅應歸併淮安關工部言清江廠之
稅爲修造漕船經費宜分征如舊
上以廠稅歸併一關亦不致虧課

命九卿科道再議如帥顏保所請九年正月
疏言淮揚二府屬州縣上年夏秋被水已奉
旨令督撫察勘灾傷分數蠲免額賦其漕糧

漕項例不蠲免而高郵州宿遷桃源鹽城贛榆等縣連歲歉收所有上年應征及帶征舊欠萬難併征請

勅部議疏下部議令改折帶征得

旨高郵等處災傷與他處不同其未完未征漕米仍令帶征恐小民不能完納以致困苦下部再議蠲免其未完康熙六七兩年漕米三萬一千餘石閏二月疏言戶部行令漕項錢糧俱以副錢收放伏思漕項錢糧非解部

交納卽納丁濟運以及修造漕船之需與本地支銷者不同且漕糧行月白糧經費領運長途遇淺起剝遇溜添簞所費不貲勢難負錢遠涉應仍准征銀支給疏下部議從之十二年正月同河道總督王光裕疏言舊例每年漕運全完河工歲修告竣舉劾所屬文武各官以示勸懲至康熙四年部議停止伏思漕糧征兌匪易運解維艱且需多方催儻使如期抵通至黃河頂衝危險運河旱澇疏濬

惟賴經管各官竭力殫心不辭勞瘁庶河流
循軌而漕艘得以飛輓若勤惰罔分恐因循
貽悞請仍遵舊例每年分別舉劾疏下部議
行于是疏荐山東糧道遲日異河南糧道范
周無錫知縣吳興祚等又劾罷溧陽知縣王
錫瑄等十三年十月以逆藩吳三桂窺犯江
西需兵勦禦

詔率所部往駐十二月因安親王岳樂已統
師抵南昌撤回十七年六月安親王進征湖

南仍率兵鎮守南昌九月移鎮吉安十八年
三月疏言吉安各屬眾山連接逆賊盤踞出
沒不時臣令副將色勒許壯猷遊擊章紘等
率兵分堵緊要隘口斷賊糧道相機勦撫別
令知府蔣維藩會同遣官入賊巢宣布
勅諭招降偽總兵副將以下五十餘員兵萬
餘十九年八月平南王尙之信爲其護衛張
永祥等首告跋扈怨望儲罪逮繫勘鞫
詔將軍賴塔以罪不株連諭慰藩屬

命帥顏保率兵至南雄韶州酌駐要地十月
命回漕運總督任二十年五月內陞工部尙
書十二月調禮部尙書二十二年正月以疾
解任二十三年十二月卒年四十有四
賜祭葬如例子赫奕由侍衛授內務府總管
遷工部尙書見大臣表

噶爾漢列傳

噶爾漢滿洲正紅旗人姓納喇氏兵部尙書
噶達渾之子順治十四年襲父一等輕車都

尉世職初爲王府長史

聖祖仁皇帝康熙九年授正紅旗滿洲副都
統八年授本旗蒙古都統十四年七月授鎮
安將軍駐守河南十月奉

詔移師襄陽禦勦叛鎮楊來嘉等十五年三
月率兵擊敗賊衆于南漳縣之靈機寨焚毀
賊營賊衆遠遁四月四川叛鎮譚宏糾衆由
上津鄖西侵犯鄖陽以巨艦數十逼城復踞
城東之陡嶺阻我糧道噶爾漢同湖廣提督

旡國瑤列營武陽洞前防禦復督師由江中
並南北兩岸三路進勦水陸齊擊賊衆披靡
獲鎗砲器械甚多得

旨下部議敘作三等軍功十八年四月偽總
兵謝泗劉魁等刦掠竹山竹谿等處盤踞山
險近逼鄖城與興安諸賊聲勢聯絡

上命噶爾漢同總督楊茂勳等率兵撲滅乘
機規復興安六月疏言鄖西山高路狹草木
叢塞時多霪雨山水暴下師行阻滯前後不

能相顧輓運亦難俟木落水涸進征十一月
諭責噶爾漢不卽規復興安下部嚴察銷去
前功事定後議罪十九年十月疏報副都統
塞格恢復巫山又報自巫山進取夔州賊奔
潰並敗譚宏之兵于錯開峽十年正月率兵
敗賊衆于雲陽擒偽總兵向旭輝等恢復縣
城譚宏已死其子譚天秘震惧焚巢遁萬縣
開縣建始梁山忠州悉平得

旨嘉獎二十二年三月授荊州將軍四月議

政大臣等議噶爾漢于十七年二月間楊來嘉賊衆在房縣不能救援例應革職籍沒有功可抵請革將軍免籍沒

上曰噶爾漢原因其人堪用簡授將軍着降五級仍留任二十七年六月湖廣裁兵夏逢龍作亂聚衆劫掠黃陂雲夢等縣噶爾漢自荆州赴安陸遣協領穆禮瑪等率兵進勦擒斬偽副將二偽守備三偽把總一賊衆復逼應城噶爾漢領兵擊退賊衆賊趨武昌噶爾


漢駐應城疏言糧餉不敷戰船未備不能赴期前進

上命調回爲正紅旗蒙古都統以都統巴渾德代之別

遣振武將軍瓦岱統八旗兵往會提督徐治都等勦擒達龍磔于市十一月部議噶爾漢于武昌兵變時率兵進勦不卽行撲滅借稱糧餉不敷戰船未備退縮不前應革職鞭責籍家產

滿洲名臣傳卷二十四

詔從寬免其籍沒後卒于家



滿洲名臣傳卷二十四終

天保三刻

